



Na osnovu člana 24. stav (3) Zakona o konkurenciji („Službeni glasnik BiH“, br. 48/05, 76/07 i 80/09), člana 61. stav (2) Zakona o upravi (“Službeni glasnik BiH”, br. 32/02, 102/09 i 72/17), a u vezi sa članom 32 st. (2) i (3) Zakona o radu u institucijama Bosne i Hercegovine (“Službeni glasnik BiH”, br. 26/04, 7/05, 48/05, 60/10, 32/13, 93/17 i 89/18), Odluke o proglašenju nastanka stanja prirodne ili druge nesreće na teritoriji Bosne i Hercegovine (“Službeni glasnik BiH”, broj 18/20) i Odluke Vijeća ministara Bosne i Hercegovine o postupanju institucija Bosne i Hercegovine i pravima i obavezama uposlenih u institucijama Bosne i Hercegovine tijekom trajanja epidemije COVID – 19, od 10.09.2020.godine, predsjednik Konkurencijskog vijeća donosi

UPUTSTVO
o postupanju Konkurencijskog vijeća Bosne i Hercegovine i pravima i obavezama zaposlenih u Konkurencijskom vijeću Bosne i Hercegovine tokom trajanja epidemije COVID - 19

Član 1.
(Predmet Uputstva)

- (1) Ovim Uputstvom reguliše se način postupanja i komunikacije zaposlenih Konkurencijskog vijeća Bosne i Hercegovine (u daljnjem tekstu: Konkurencijsko vijeće) tokom trajanja epidemije COVID – 19.
- (2) U skladu sa stavom (1) ovog člana, naročito se reguliše sljedeće:
 - a) Prava i obaveze zaposlenih kod kojih je potvrđena zaraza virusom COVID – 19;
 - b) Prava i obaveze zaposlenih koji su bili u kontaktu s osobama ili zaposlenima kod kojih je potvrđena zaraza virusom COVID – 19;
 - c) Način evidentiranja prisustva na poslu te prava iz radnog odnosa zaposlenih iz tačke a) i b) ovog stava; te
 - d) Način komunikacije zaposlenih tokom trajanja epidemije COVID -19.

Član 2.
(Prava i obaveze zaposlenih koji su zaraženi virusom COVID – 19)

- (1) Zaposleni u Konkurencijskom vijeću kod kojih je potvrđena zaraza virusom COVID – 19, osim poduzimanja obaveznih aktivnosti i mjera prema nadležnoj službi zdravstvene zaštite, dužni su o tome obavijestiti predsjednika Konkurencijskog vijeća.
- (2) Zaposleni iz stava (1) ovog člana će elektronskim putem predsjedniku Konkurencijskog vijeća, dostaviti i dokaz o činjenici zaraze, izdan od strane nadležne zdravstvene ustanove.
- (3) Na zaposlene iz stava (1) ovog člana, u pogledu prava iz radnog odnosa, primjenjuje se Odluka o načinu i postupku ostvarivanja prava na naknadu za bolovanje u institucijama

Bosne i Hercegovine ("Službeni glasnik BiH", broj 58/09), a koja se ostvaruju shodno evidenciji o stvarnom broju dolazaka na posao u prostorije Konkurencijskog vijeća.

- (4) Prisutnost na poslu zaposlenih iz stava (1) ovog člana evidentira se upisivanjem oznake za bolovanje u šiht listi.

Član 3.

(Prava i obaveze zaposlenih koji su bili u kontaktu s osobama ili zaposlenim kod kojih je potvrđena zaraza virusom COVID-19)

- (1) Zaposleni u Konkurencijskom vijeću koji su bili u kontaktu s osobama kod kojih je potvrđena zaraza virusom COVID - 19 ili zaposlenima kod kojih je potvrđena zaraza virusom COVID – 19, osim poduzimanja obaveznih aktivnosti i mjera prema nadležnoj službi zdravstvene zaštite, te u skladu nalogom/potvrdom/rješenjem /drugim aktom ljekara, dužni su ostati u samoizolaciji, te o ovoj činjenici obavijestiti predsjednika Konkurencijskog vijeća, i dostaviti dokaz nadležne ustanove o istom.
- (2) Zaposleni iz stava (1) ovog člana obavljat će poslove na daljinu (rad od kuće) u skladu s uputom predsjednika Konkurencijskog vijeća.
- (3) Zaposleni koji poslove obavljaju na daljinu, u skladu sa stavom (2) ovog člana, dužni su da u bilo kom trenutku u toku trajanja radnog vremena, u periodu od 9.00 – 17.00 sati, budu dostupni predsjedniku Konkurencijskog vijeća i članovima Konkurencijskog vijeća, te da postupaju po nalogu istih.
- (4) Zaposlenima iz stava (1) ovog člana pripadaju sva prava iz radnog odnosa u pogledu plaća i naknada plaća, osim prava na naknadu troškova prijevoza.
- (5) Prisutnost na poslu zaposlenih iz stava (1) ovog člana evidentira se upisivanjem oznake RK (rad od kuće) u šiht listi.

Član 4.

(Postupanje sa poštom)

- (1) Po prispieću pošte u Konkurencijsko vijeće, tehnički operateri elektronski šalju istu članovima Konkurencijskog vijeća i državnim službenicima u samoizolaciji, u skladu sa zaduženim predmetima.
- (2) Po potrebi se skenira i šalje i druga dokumentacija.

Član 5.

(Način komunikacije zaposlenih za vrijeme trajanja epidemije COVID – 19)

- (1) Svi zaposleni koji rade u Konkurencijskom vijeću, posebno sa trećim osobama (strankama), ili se očekuje da mogu imati takav kontakt radi zaprimanja akata, dužni su se strogo pridržavati donesenih mjera od strane entitetskih i kantonalnih tijela, u prostorijama Konkurencijskog vijeća.
- (2) Svi zaposleni koji rade u Konkurencijskom vijeću su obavezni nositi zaštitne maske, kao i koristiti dezinfekcijska sredstva za čišćenje radnih površina, čistiti i provjetravati radne prostorije 3-4 puta u toku dana, te obavezno održavati udaljenost od najmanje 1 metra između osoba u kontaktu.

- (3) Zaposleni u Konkurencijskom vijeću, stranke u postupku, kao i druge osobe koje imaju namjeru kontaktirati sa zaposlenim u Konkurencijskom vijeću, prije pristupa radnom mjestu, dužne su se javiti ovlaštenom zaposlenom Adnanu Popari, ili drugom zaposlenom kojeg predsjednik (u slučaju odsutnosti imenovanog), ovlasti, kako bi se izvršilo mjerenje tjelesne temperature. Ukoliko tretirane osobe budu imale temperaturu veću od 37°C, ne mogu pristupiti u prostorije Konkurencijskog vijeća. O istim mjerenjima ovlašteni državni službenik, dužan je voditi evidenciju na obrascu koji će mu biti propisan i odobren od strane predsjednika Konkurencijskog vijeća.
- (4) Preporučuje se zaposlenim u Konkurencijskom vijeću da što je moguće u manjoj mjeri posjećuju bife, restoran kao i druga mjesta sa potencijalno većom koncentracijom ljudi u kancelarijama Konkurencijskog vijeća, kao i prostore u zgradi i van zgrade.

Član 6.
(Odgovornost zaposlenih)

Svako nepostupanje osoba navedenih u ovom Uputstvu, povlači disciplinsku i krivičnu odgovornost.

Član 7.
(Stupanje na snagu)

- (1) Ovo Uputstvo stupa na snagu danom donošenja, i ostaje na snazi sve dok traju okolnosti u vezi sa prisutnošću virusa COVID -19, odnosno do drugog akta predsjednika Konkurencijskog vijeća.
- (2) Stupanjem na snagu ovog Uputstva, stavlja se van snage Uputstvo o postupanju Konkurencijskog vijeća Bosne i Hercegovine u vezi sa prisutnošću virusa Covid 19, broj: 01-02-2-143-1/20 od 03.07.2020. godine.

Broj: 01-02-2-143-5/20
Sarajevo, 21.09.2020. godina

Predsjednik

dr. Stjepo Pranjić

Dostavljeno:

- Svim zaposlenim u Konkurencijskom vijeću
- Oglasna ploča Konkurencijskog vijeća
- Službena stranica Konkurencijskog vijeća
- Pravna služba
- a/a